



又

自卜浮丘十畝居知君久與宦情疎  
衡陽烽火需才急漢水風濤待命餘  
一死未酬廉吏分十年空上諫  
臣書只今千里呼元伯何處招魂駕素車

與施道人

平生事儒業志不學神仙我友硯山公  
告我煉師賢乘雲來上國衣裳拂紫煙  
時或驅二豎都人擬僦佗計日方南歸  
贈詩何紛然惜未識其面細語吾道傳

題江生借書圖

少年得志帷常下縹囊緗帙真盈架而今欲讀未見

寒松堂全集  
書人間無有從何借

送史彤右庶常假歸

春風蚤度杏花天高步瀛洲正少年菽水奉親情切  
切文章華國意翩翩何當病裏添書癖且向山中補  
硯田無限君恩須鄭重莫教學士負花磚

贈嚴灝亭侍郎

青瑣當年舊有聲自慚同列復同庚東南輸輓勞經  
畫風雅文章屬老成帝里筵開冠蓋盛華堂春近雪  
花輕臣心似水身尤健共向班行說太平

挽浮梁令王介初殉難

名臨元山東人進士

南州烽火接汀洲照徹江城十二樓誓與存亡惟一  
念敢言名姓必千秋英魂化厲消餘孽父老吞聲望  
首丘忠義昭然懸國史不知遺骨有誰收

介初無子

題汪蛟門百尺梧桐閣圖

百尺梧桐閣閣中有一人讀書秋樹下閱歷冬及春  
司農爲我言

謂梁玉立先生

汪子志嶙峋文章追大雅孝友篤

天倫中心竊好之欲見惜無因今年來上國鳳閣掌  
絲綸退食一相過對之如嘉賓著書三四卷調高情  
彌真留君共晨夕歸馬何駢駢手持方子圖堂前娛  
老親海內息兵火菽水際良辰臨岐願有贈珍重閣

中身

聞鄴都令李澹庵間道歸京師志喜

滿地兵戈剩一身  
眉山何處葬忠臣  
直携琴鶴歸  
天子夜夜間關望北辰

壽衛年伯母八十兼贈澹足同年

太行綿亘析城尊  
堅貞之氣鬱德門  
千峰萬壑遙相  
向蒼松古柏映庭萱  
我聞衛母年八十  
森森蘭玉階  
前立侍御舉觴先  
致詞賓朋里黨一時集  
憶昔待御  
按江干繡斧稜稜鐵  
面寒首除豺狼  
狐鼠遁清霜  
猶拂惠文冠却餽發奸  
温旨下南人遠送青驄馬

盛世胡為側目多  
廷臣淚向西曹灑  
惟有慈顏不改

常敢將無罪告  
君王 君王自雪孤臣枉  
承歡膝

下荷 恩光一粟一水天  
倫樂是母是子心如昨鄉

邦都看婺星高  
年年菊酒堂前酌

繆歌起侍講齋中  
聞史子脩編脩訃至悼之

旅館寒宵悵索居  
幾從白下問雙魚  
江帆渺渺孤舟  
歇雁陣蕭蕭雅社  
虛上苑人悲朝露  
蚤石交我感歲  
星疎可憐逸少揮毫  
在對酒招魂檢法書

哭雲門老友

故鄉今失老成人  
曾記來時八十春  
壬子相別 我向夢中

尋素友誰從天際問孤臣著書已副名山業

馮訥生刻  
雲門全集

行誌墓應標太古民

雲門隱  
居不仕

一望桑乾渾是淚更無詩

句過河濱

丙辰除夕同田子潛檢討李天葩中翰暨誠兒

守歲一枝軒感賦

行年六十周花甲髮鬢鬢雪未齊退食每餐燈後  
飯朝天誤聽夢中雞民生若此身難補國計如何意  
總迷為語吾兒休獻頌東南戰馬夜還嘶

二

坐消殘雪一盤辛風物京華又報春兄妹經離四五

載親知相對兩三人行藏迂腐心無憾歲月蹉跎學  
未真獨累故鄉仁義叟解衣推食意諄諄

丁巳元日侍班候 駕雪中口占

骨瘦筋衰六十翁班行猶自綴羣公無才祇覺君  
恩重揣分安能國計充民力艱難愁鬢裏 天心仁  
愛雪花中 朝家自有真劉晏蚤濟三軍奏捷功

贈張又南少廷尉

社稷功高大將門敦詩說禮有淵源少年忠義由天  
性萬里關河答 聖恩輦路共看儒者象案頭常贈  
古人言只今廷尉稱平日純嘏應從一念存

寄訊陳長卿

蔚署論文識大家別來踪跡各天涯  
懷人每憶梁間月展帙虛疑漢上槎  
一榻冰霜安素節三年烽火動  
悲笳救時自愧無籌策空使司農兩鬢華

贈雲中老翁

聞君家住古雲中閱盡滄桑萬慮空  
三世一堂多隱德歲時羅拜黑頭翁

壽李恒嶽妻兄七十

公厚德大義居鄉有陳太丘遺風詩皆實錄

有仁有義君子克勤克儉家風夜聽讀書樓半朝  
看種菊園中族黨歡忻倚玉兒孫次第攀龍報道五花

官誥來封七十僊翁

是年得封典

寄祝滄州戴先生八十

一卧滄州養大源西銘註得幾千言  
朝廷稔識文章貴夫子終懷道德尊

舊日諫書藏海嶽晚年經術付兒孫  
玉音應問林泉好力策鳩頭出鹿門

送張豫章孝廉歸華亭次元韻

熙朝羅駿築金臺比歲方收天下才  
器識元高千古上淵源真羨一家來  
每當風雨思張翰倍喜衣裳學老萊  
炎溽歸途須慎重好音先寄隴頭梅

挽同年王東臯侍御

病裏奔喪最可哀三年空自望君來移棺殮子萱闈  
在繼祧爲兒墓碣開一代共推真吏部 九重應念  
老西臺舊遊誰與傳清白門下康成次第裁

白仲調記  
公生平事

蹟付其  
家藏之

次杜太翁過劉摯故里韻即贈肇餘少宗伯

才也養不才中也養不中觀州有父子千載溯流風  
先生慕居正此心此理同我聞大人者其初皆蒙童  
譬如種嘉樹培育無怠功日深而月異滋息安能窮  
一經傳後裔跨竈多英雄大儒侍 講幄忠愛答

深宮劉摯自賢達過庭今媿隆登堂拜前輩仰止德

彌崇

哭申鳧盟處士

雪鬢頽頽病復頻那堪哭友倍傷神少微星隕憐高  
士黃絹辭窮慟哲人吾道未興諸弟憾世家難荷兩  
兒辛晚年惟有躬行切悔不貽書細細論

送同年冀公冶大司空歸里

日日班行對老成一談一笑古先生大臣才歛惟思  
過理學功深不近名歸去友朋增氣色晚年婚嫁漫  
經營一時白髮同人輩誰附尚書驥尾行

送趙韞退分憲河北

頻年盡讀枕中書握手相看愧不如我輩道從文字  
合故人情惜酒杯疎中原燧火憂還大萬姓瘡痍苦  
未舒付托老成 天子意大河南去莫躊躇

送衛爾錫檢討謫霸州判官

秋風秋雨暑難清纔見伊人又送行侍從登朝蒙  
勅旨判官分職近神京自來閒署文章貴却幸高堂  
杖履輕我自衰殘如秉燭相期努力事平生

又

襆被蕭然金馬門故人相對欲忘言汨羅豈少懷沙  
賦新建曾開何陋軒弄月吟風皆聖學乘田委吏總

君恩懸知再入承明日吾道艱難國體存

題性谷道士壁上

頻年齋沐扣僊壇四壁清光入座看雞犬無聲松子  
落夜談常到五更寒

次寶坻相國韻贈顧秀才

菰蘆南望幾幽人相國詩傳世澤新彩筆爭看題鳳  
羽青雲會送拂龍鱗薊門客浥三秋露京洛途高九  
陌塵老鬢頽頽常閉戶識君何必面相親

訪杜子靜侍讀

從容退食五雲間一度逢君一笑顏几上圖書常自



檢胸中城府已全刪呼來白鶴依人下夢到青山得意還顧我勞勞何日暇共談風月托清閒

題羅太翁鄉賢錄後與振彝侍御

豫章昔日重三羅千仞飛翔首泰和家法於今誰可繼鄉賢公在一門多

又

一派淵源祖德遐椿堂懿行更無涯汝南月旦高千古却在江南御史家

寄懷施愚山少叅

曾識宣城廿載餘前身謝朓復誰如胸藏海嶽詩成

史夢遶江山月滿廬鄒魯人文思教澤洛閩宗旨憶傳書兵戈欲洗身猶健莫使林間歲月虛

哭閩督范覲公盡節因讀畫壁遺稿

風高范老舊家門血灑巖疆報國恩兩浙清名垂竹帛八閩正氣塞乾坤潮歸南海蛟龍泣月上東華劍履存青史千秋今日定九重早已鑒忠魂

二

地下相從五十人還因義士哭忠臣魂依北闕家何有命絕南荒志未伸古壁雲封詩是淚孤城霧起血爲燐獨憐一片常山舌今日猶堪泣鬼神

送田子綸水部歸省

拜手陳情返舊廬歸來特爲奉潘輿千言倚馬詩才  
健十載爲郎宦跡疎舟過青山舒倦眼花開幽徑賦  
閒居承歡定識多清暇海日曛曛好讀書

吳耕方中允齋頭看菊

玉署招僊侶金臺受晚涼雲邊雙雁濕座外一峰蒼  
問菊因風爽翻書得夜長共君歌白雪秋色亦文章

王毓青至都留寓小齋

山陰文端公冢孫

閣老門庭勝國賢兒孫清白遞相傳何人有志依先  
壠如子存心守硯田劍路鳴琴曾幾歲雲邊卧雪已

多年公餘正好談家學滿地冰霜一榻懸

一枝軒圍爐話舊同田子濬王毓青集字成詩  
檻外雲飛薄暮陰蕭蕭冷屋共幽尋吾徒對語黃花  
色老友高譔白雪吟嘯月如親佳士夢開樽欲澹雅  
人心潛夫不向寒冬寫一話淵源慰我深

賜食熊白口占恭紀

十二月二十一日

熊肪截玉滿銀盤 賜與諸臣和蜜餐啓事 乾清  
風力急歸來散盡雪霜寒

送李獻陽之任甘州守戎

北塞名家世德高秦川西去佩弓刀長城自有將軍

在蚤息沙場百姓勞

長至前夕天壇齋宿懷于龍河侍郎

焚香兀坐漏聲遲幾度挑燈念故知並轡聯鑣來往  
熟掀髯抵掌笑談宜清心獨啜天壇水假寐誰披道  
士帷過歲齋明期又近願君風雨共相隨

丁巳除夕贈劉瑞生爲余寫像

臘去春來歲序中今年忽見兩衰翁燈前對鏡疑非  
我頰上添毫酷似公起坐扶人腰漸直笑啼隨衆耳  
將聾劉生果是傳神手再把心肝寫一通

戊午元日侍班候朝 賀

御路霜痕接玉橋千官鵠立侍清宵雲中鳳輦籠煙  
出仗外鸞旂拂曙飄草木欣迎君子氣梯航許入

聖人朝

先是三年未受朝賀

征南廟算應先定楚粵狂氛計日消

送姜定庵之任奉天少尹

畱都景物接神皋此地應需侍從勞雲舍望過龍塞  
遠講堂開比杏山高洪爐妙手回霜雪鐵騎英風入  
後髦蚤晚著書須寄我知君談理不談騷

送張一衡歸侯官

四載窮交一榻畱對君真是對南州從來忠告心無  
愧幾度憂時淚欲流道誼相關惟我輩文章雅志必

千秋故人老矣成孤陋  
纔賦歸歟已動愁

二

城郭蕭條燧火餘  
橫塘一望果何如  
夢中兒女真相見  
海上桑田尚可居  
宓子懸琴需歲月  
少陵結伴捲詩書  
孤帆萬里歸須早  
出入應乘下澤車

寄訊李厚庵太史二首

閩海由來禮義鄉  
妖氛忽爾報猖狂  
奴顏婢膝真無賴  
大節孤忠倍有光  
間道蠟書臣分在  
中朝綸綍聖恩彰  
平生學道今方用  
自愧衰庸老侍郎

二

心戀彤庭出戶難  
至尊久已鑒忠肝  
綢繆鄉土休遺策  
保護封疆豈晏安  
爲抱椿庭千古恨  
更憐苦塊一身單  
生芻欲寄關河阻  
靜夜題詩月色寒

送潘藏山隱者

白髮蒼髯老鶴形  
對君如對少微星  
囊中舊草仁人贈  
夢裏先祠孝子經  
鳥語花開眞世界  
男耕女織好家庭  
山中服食誰能辨  
不是黃精是茯苓

題孟貢士僊人圖壽張飛熊將軍

青海崆峒擁節旄  
涼州春酒釀葡萄  
九還丹就龍膏熟  
萬里威行虎帳高  
大將功名垂帶礪  
朝廷寵眷

錫弓刀書生屢乞通侯俸藉手真人獻碧桃

法公子標秋捷為黃石同年志喜

東海春光幾百年床頭歷歷五經傳兒孫解得真滋味只守君家一硯田

成我存寄詩見懷用韻答之

淼淼長江隔萬岑三年思汝到於今文章寂寞肝腸苦藥石纏綿歲月深吾道敢辭多事日幾人能盡大

廉吏行慰法黃石同年喪子

廉吏不可為善人胡報施問天天難知空聞人嘆咨

君家世德貽乃父剛介持才華不如誰薄宦一身羈

干人愛鬚眉無米供晨炊膝下發蘭芝膝上弄含飴

昨歲失孫枝今年損弱兒弱兒鬢甫垂南北相追隨

余既識英姿輒以乃父期乃父笑而辭書劍學皆癡

丹青寄遠思異日將療饑濡筆潑墨時煙雲滿紙披

安知歲月遲不作老畫師年來病不支問視猶嘻嘻

妻孥地各岐兄弟自怡怡竊幸得良醫乃父釋憂疑

倏忽朝露危路人且生悲無棺函兒屍父也命如絲

無身從父歸兒也魂何之古今數多奇數定幾人移

哭罷誦吾詩廉吏不可為

送唐濟武太史歸淄川兼懷高念東侍郎

稷下奇人兩諫書漢廷猶記被恩初  
儒生面目千秋上經術文章廿載餘  
為探西湖風物好肯教北地姓名疎  
良師益友俱泉石歸卧煙霞晚自如

賜飲六安茶口占恭紀

七月五日

秋風初動御爐香茗椀擎來自尚方  
弱質不禁清到骨却令腸胃煖如湯

哭嚴灝亭侍郎

共着斑衣出掖垣重來相繼拜君恩  
一堂佐計惟軍國廿載論交及子孫  
庚甲相同予更老文章不朽

數何言傷心天竺峰頭月歲歲秋高照墓門

哭蘇亮工少詹

獨有躬行實踐人幾年相見倍相親  
詞林歲月書中過赤子胸懷世外真正合  
東宮需碩輔可憐北地失儒臣扣門問疾君含飯一痛歸來淚滿巾

哭姚若侯大司寇

封章幾上帝王箴寵眷頻年日復深體恤民情天下望調和國是老臣心焚香夜告風云杳曳履晨趨跡莫尋聞道病牀勞聖慮蓋棺猶自荷綸音

先生

病篤蒙上垂問再

四遺疏復奉溫旨

又

青蒲白馬舊相隨三十年來是我師一體痾瘵何處  
學吾生迂拙幾人知每看鬚髮多霜日豈意存亡隔  
世時老輩凋零真痛哭君還罷鶴鴿詩

先生五弟小山君客死中州甫

兩月

題鉅鹿刁公鄉賢錄後

畿南刁姓兩君子俎豆方看此一人鉅鹿儀型關世  
教祈州道學接天民幾回憑吊心難已同日標題志  
未伸詩句好存家乘後他年驗我論人真

挽王敬哉大宗伯

憶昔登堂問道初老成人物賦閒居重瞻泰斗真無  
憾並卧龍鵬總不如

余初入都訪先生並退谷先生有重來瞻泰斗並卧想龍鵬之句

只學做人

留片語更聞垂老惜三餘傷心九月親顏色贈我  
牀頭數卷書

壽同年益都相國七十

先生東魯之偉人海岱靈竒備一身正直剛大天所  
予紫閣黃扉真帝臣學本程朱宗孔孟嫡派相傳惟  
主敬曾讀先生偶拈吟克已改過完至性自慚愚魯  
失耑師同譜深蒙宰相知手捧薦疏告天子頓起  
田間匪阿私兩奉徵書下金殿養親不逮復何戀力

疾趨朝見 至尊已從柱下邀 宸眷當日辭家告  
祖宗無才未敢步夔龍此行若改清白節何顏地下  
更相從自入班行職業缺登堂欲語羞薄劣一年幾  
度問起居獨見憐才心最熱躬逢 聖世資劬勩吾  
君堯舜德彰彰憂國憂民豈能憇兵戈未息髮髮蒼  
長安七度生申日願為天下祝良弼一酒一蔬未敢  
將矢報知己惟以質午歲華辰登古稀兒孫遶膝盡  
斑衣我亦先生墻陰客况依 帝座望清暉盥手一  
歌歌復頌先生位為 朝廷重以人事君道無窮耕  
莘釣渭千秋用

上賜紫貂披領朝服一襲恭紀

康熙十七年十  
二月三十日

臘盡 彤廷肇曙暉尚方擎出紫貂衣綺文乍展雲  
霞爛弱體親承雨露歸手執憲綱勞 帝簡口傳溫

語肅

天威

是日傳 旨今年暫  
穿明歲另製更換

聖朝補袞須賢佐獨

愧衰臣獻納微

上賜御書唐詩一卷清慎勤格物大字各一幅恭

紀有序

康熙十八年二月十二日臣象樞奏事至

中左門時

聖駕將幸南苑閣臣傳



旨一切條奏本章俟

駕還面奏臣以疏係叅劾不便携回捧至

後左門請

旨隨蒙

召入懋勤殿啓奏

上覽疏畢因問臣籍貫及中式甲第名次甚悉退  
仍立

殿階下侍讀學士臣張英中書舍人臣高士奇  
捧

御書唐詩一卷墨搨清慎勤大字一幅格物大字

一幅

賜臣仍傳

旨云

上因爾居官勤慎每於啓奏之時剴切詳明不負  
職掌此卷是習字所書者並墨搨特以賜爾臣  
跪受奏言臣衰老無才不克盡職中心抱愧何  
敢當

隆恩厚賜旣轉奏又

命臣於

殿旁展開臣跪展恭閱畢奏言草書如龍飛鳳

舞楷書如北斗泰山臣藏之私家世世寶之又  
轉奏謝

恩即

命於

殿前叩頭行禮乃捧出是日

天顏開霽垂聽殷切愧無嘉謨謬叨

寵眷臣不勝感而欲泣其同入啓奏者吏科給事

中臣張鵬也

衰年秉憲厠清班啓事何堪動 聖顏內殿仰承

天語降侍臣雙捧 御書頒 奎光燦爛瞻龍鳳

睿藻莊嚴望斗山家世千秋傳至寶 恩波常記五

雲間

送黃俞邵奔喪南歸

時以博學薦舉未與試

聞君辭母日捧檄意遲遲家有淵源學人如冰雪姿  
徵書千古痛孝子滿朝知草土餘生在躬修自有爲  
哭同年劉公愚大司寇

同榜同庚五六人

王東臯喬白山衛  
澹足公及余也

年來相繼老風塵看

君鬢髮皆如漆顧我頭顱半似銀人物共推三輔地  
勛名大著九江濱 君恩未報身先死孤立朝端淚  
滿巾

送儲廣期明府 御試畢回清源任

重來獻賦謁 皇畿僊令雙鳧願已違  
大雅文章真落落古人模範自依依  
人從玉署瞻 龍袞君合銅章讓布衣  
聖主憐才多異格種花滿縣載花歸

次韻送田髯淵歸華亭

風雅如君世所知廿年丘壑獨棲遲  
人經貧病才逾老交在文章道豈私  
高論憂危同賈誼新詩精妙比王維  
輕帆畫舫蕭然去正是名山著述時

陳介眉編修以其尊人年七十請假送歸

君從吾道溯淵源我羨君家碩德存  
一派文章開正

學幾行蘭玉種衡門鷺車秋引斑衣志  
虎觀人沾

紫誥恩自有孔顏真樂在海昌樓下細  
評論時許典三令海寧講學

送李天生檢討 特予養母歸富平

華嶽雲深奉 詔遲陳情一表袖中隨  
白沙風節公卿望司馬文章 殿陛知寸  
草有心真報國三公不易願為兒蔚羅  
曾與論經史今日方看實踐時

送于龍河歸文登

出入承明歲屢更送君歸去不勝情  
肝腸似雪真朋友骨肉相關比弟兄  
負郭田荒三徑在倚門親老一官輕  
從今自守吾生拙海畔鳧鷗總不驚

送任海眉同年歸聊城

盛世朝陽有鳳音侍郎歸去卧山林退休合引孤臣  
分棄擲終非 聖主心白簡凝霜科目重秋曹執法  
鬼神欽慚余衰朽言無補檢點生平閉户深

讀陳賢母傳與介眉編修

大母芳懿久不磨兒孫雍穆一門多當年飽歷冰霜  
氣及到而今是太和

又

戮力陳家苦自茹手中織紅口中蔬何人一管春秋

筆採得芳名直大書

黃黎洲先生作傳

李省甫志平海寇代厚庵上疏畢復條陳閩事

閩海頻年未罷兵何人慷慨請長纓蠟書已達孤臣  
志軍壘爭傳大戰名賭墅高風同謝傳籌時妙策駕  
侯生厦門一掃鯨鯢穴莫待封侯事乃成

上賜魚恭紀四首

康熙十八年五月初七日

西苑僊舟五日開池邊網得錦鱗廻 至尊清宴思

魚水特詔廷臣自捧來

又

滌釜烹魚薦祖龕全家飽食豈無慚 君恩更欲推

三老扶杖臣家作美談

是日邀陳編修錫嘏父年七十歲彭編修會淇父年六十八歲楊編修作楨父年六

十歲同食魚膾三編修隨行與坐

又

長安慣食五侯鯖幾見烹鮮 賜列卿太液波光流

處遠願分東海一書生

膠州法若真足疾不能至分一頰食之若真原官侍講今候補布政使

又

寧陵道學著前朝誦讀遺書齒尚齧燕喜堂中無俗

士為詢家世一相招

時舉人呂前庚至惠其曾祖坤所著呻吟語小兒語諸遺書

讀健松齋記與方渭仁編修

太平宰相子孫多一派書香接玉珂此日臨風思手

澤松陰深處掛藤蘿

再晤申觀仲

曾記西郊訪白雲重來握手說離羣長鬚大面新詩

句難弟難兄又屬君

輓王思繩銓部

強項郎官久著名蓋棺今日見平生銓曹屢哭真廉

吏

前哭王東臯張東峰

不為同心淚始傾

輓易子然及門用題獲鹿書院舊韻

易生歸里後去住總無端漢水東流急黃河北望寬

夢從雲外斷書向淚中看寄語承家子休辭跨竈難

二 子然漢陽人

拓落吾徒在胡爲爾不留文章真有命民社豈貽羞  
駿是燕臺失材難楚國求蹇予多老淚又洒到西州  
輓王允大及門

頻年生死感同心又哭東昌淚不禁林下幾人垂素  
髮朝中一老伴華簪爾身無愧三遷教吾道空懸六  
字箴爲惜門墻零落盡銘旌題到墓門深

贈李映碧先生

前輩風流絕世才每瞻山斗意徘徊當年封事留金  
石垂老躬修重草萊人物已追三代上著書元自六  
經來 詔求逸老雲深處玉樹琳瑯菊正開

除夕禁爆竹聲間巷靜甚呼兒集字成詩已未

坐守庚申欲賦詩尊前消受夜遲遲浮雲過眼繁華  
少異變關心往事移劍北將軍懸大陣江南織女望  
新絲三冬無雪休多慮一詔如天四海馳

元日燈下讀梁蒼岩尚書蕉林詩集庚申

八載京華歲事頻故鄉風物與誰親茅田酒社仍多  
故畫閣僧廊不是真曲奏高山應大雅才空北海自  
幽人披襟命燭三更讀却憶冰川得後身

世

蒼岩祖冰川先生著有詩式行

烽火樓船海外征，湘湖妙計未分明。舒眉幸見朝天侶，時高念東入都入耳空聞擲地聲。法黃石留詩歸里直任紅塵遮旅巷，居然白雪動春城。頻年學步誰能得，老將登壇已素傾。

上賜日講四書尚書解義各一部恭紀

微言大義總訐謨，何幸頒來到小儒。萬世心傳歸孔孟，一人道統接唐虞。興朝已肇文明治，聖訓還開正學途。信是編摩諸侍從，講帷深處有都俞。

上元月食

救護太常寺

七政修明歲有推，今年月食上元時。蟾光暗引燈花

照陰體圓從火樹，窺伐鼓奉常昭。聖敬披圖太史驗，天儀歸來滿地笙。歌起朏胸盈虛總不知。

平蜀捷至志喜

庚申正月

將軍分路下西川，廟筭從容出萬全。馬度陰平開鳥道，兵臨劍閣息狼烟。縱橫餘孽殲將盡，指顧南荒檄自傳。沃土頻年生聚少，浣花今欲問桑田。

讀吳成甫先生傳感賦

沁州人銅川大父也

根深而枝茂，源遠則流長。天道有至理，人事循經常。我讀吳公傳，如入君子鄉。門祚遺清白，潛德自修藏。與物渾無競，傳家惟義方。一朝豐厥後，善氣發幽光。

森然如玉立食報何章章俯首溯先澤厚積頗相當  
子孫榮簪組所願致顯揚公家賢吏部垂紳立廟  
廊體用備一身太平資動勦吾生愧衰劣歛衽銅鞮  
旁

贈葉訥庵學士

侍從殷勞退食稀頻年講幄佐垂衣典謨久矣  
陳中道文象從茲進泰機弼帝匡王臣子願明天察  
地聖人徽丹心耿耿身常健每撤金蓮夜送歸

贈李鶴生令黔陽

送爾登車話幾端仕途不比讀書寬少年爲令心宜

小亂後臨官事更難政績好將三字報

清慎勤也

部民直

作一家看川東歌頌隆隆起豈獨高堂夢寢安

喜許時庵孝廉就館

孝廉名已重西湖秋水伊人物色孤最愛文章追大

雅從知道誼接真儒

許典三同黃太冲講學海寧時庵從學甚久

弟兄情切家風

古

時庵兄弟六人共  
夔家事稟命長兄

師友心通氣味殊羅雀門庭無一事

高談莫笑老夫迂

輓成我存及門仍用送別前韻

自荷温綸下紫宸班行惟剩老都臣愁來書札慵  
難寄讀到碑銘死是真

我存自作墓銘

有子安貧能守墓無人



問道可傳薪丑闡佳話今已矣理學文章信有神已  
會闡同人各期所拔士或云可相或云可將或云可秉節鉞任封疆余曰願得理學任吾道足矣榜發成子冠本房同人皆喜

七月四日蒙

上賜藕恭紀

西苑芙蕖盛根深太液平薦新知 聖意分賜及諸  
卿採處紅雲動擎來白雪明臣心同物類節節荷生  
成

七月二十八日再蒙

上賜藕並蓮蓬菱角恭紀

藕大如船出御河重來水殿沐 恩波虛中比德誰

無愧觸類清心感更多菱角霜微真抱玉蓮房粉墜  
不依荷詩成未敢邀 宸覽拜手惟書喜起歌

八月十九日三蒙

上賜藕恭紀

秋水波光擁 至尊小臣鵠立聽潺湲池邊露冷衣  
還濕殿角雲開氣自溫鳳口屢啣 頒賜命藕絲仍  
續再三 恩歸家報與妻孥說異數頻頻下九閭

八月二十七日四蒙

上賜藕恭紀

三荷 君恩賜藕回紅門又拜一筐來深秋水白多

寒松堂全集  
霜露玉骨冰肌豈舊菱

二

歸家即啖兩三枝血脉調和肺腑宜  
溼露丹砂都是幻衰年屢受 聖人醫

恭送

仁孝皇后

孝昭皇后梓宮歸山陵

萬國臣民失母儀連鑣結隊哭靈輻  
霓旌拂柳青猶黯蘆殿堆雲白欲垂  
坤德並留懸日月幽宮長閉  
守熊羆難將 聖主關雎化撰作天家薤露辭

辛酉二月二十五隨

駕詣昌瑞山謁

孝陵恭紀因述愚悃志哀

一表陳情辭

至尊鼎湖龍去望

陵園

樞於順治十七年疏請終養次年在籍隨州守哭臨

千秋史筆書鴻業四海人心

頌

舊恩複道松楸煙翠合石門翁仲夜雲屯  
追隨玉輦橋山哭猶愧當時列諫垣

二十七日隨

上祭

孝陵恭紀

虎踞龍蟠接薊遼弘開寶域護唐堯

在天靈氣憑依久積日精誠典禮昭 國祚永瞻山

體靜 君心常抱孝思遙

神來降鑒君焄蒿意雲外諸峰向北朝

初七日隨

上辭

孝陵恭紀志哀

薊門西望望 皇畿共侍 鑾輿展謁歸禮罷後門

雲自閣夢回虛殿淚重揮老臣將去填溝壑何日重  
來拜翠微廿載承 恩無寸補鐘鳴漏盡尚依依

康熙辛酉季春

上駐蹕馬蘭峪

召扈從諸臣

賜觀湯泉應

制賦詩

氤氳佳氣藹陽春一鑑中涵應 聖人浴日全歸千  
尺水分流合潤九州民晴烟曉覆 行宮樹夜雨先  
清 輦路塵自是 君恩時下濟餘波渥處及衰臣

二

大壑層巒抱碧隈名泉勝蹟近蓬萊山龍隱躍徵文  
物地德溫和助壽杯雲擁翠華巡幸出星高  
水殿問安廻

慈宮頤養多嘉悅孝治端從聖主開

三

萬國溫涼總帝功石根焦釜有無中千峰截業南  
薰繞一派澄清太液通畿輔冰霜皆變化漁陽草木  
倍冲融至尊聊掬甘泉水不是行遊五柞宮

四

陽和滿地豁重陰詔錫臣工次第尋甃石四圍池貯  
水傍巖千樹柏成林橋山弓劍瞻依切部屋桑麻擁  
護深不比華清傳勝事吾皇舉動萬年箴

營中雨

啣哀小駐薊門東急雨瀟瀟野帳中帶濕炊煙艱午  
食嘶羣老馬怯春風纔知甲士從軍苦竟有書生扈  
蹕雄早晚重裘還覺薄今宵定減杏花紅

病

瘦體由來是弱軀諸公雖老不如吾千山躍馬峻嶒  
入半夜提燈宛轉趨恐失追陪心震動時當退食意

憂虞 睿慈傳諭頒醫藥疾痛呼 天未敢呼

帳外看山

山光着雨倍精神四望雲巒不可親何樹何花何古  
寺有猿有虎有高人扶筇易辦尋遊具伏枕偏愁卧  
病身日日開門如故友何須握手話風塵

哭曹子步妹丈四首

辛酉五月

頻年骨肉屢傷殘又報凶音淚不乾老去歸家同輩  
少幾人門外整衣冠

二

前秋看月在京師握手談心月影移一日分襟成永

訣悲來添我髮邊絲

三

吾衰未得作閒身幾度書來問老臣檢取墨痕依舊  
濕茫茫竟是九泉人

四

死生婚嫁事多端處置都如切已看一片熱腸還未  
冷夢中猶自話艱難

康熙二十年七月二十一日

上御瀛臺

名滿漢內閣九卿及翰林科道部曹五品以上官

員

特賜筵宴兼

頒彩幣有差恭紀二首

宵旰頻年靖四方禁中開宴繼明良樓船渡處天顏

喜水殿吹來王者香雨露共沾珍錯異禽魚宛助

笑言長太平景色秋將稔還見宸衷慮旱荒時下令大同捐

米備荒

二

久綴班行負至尊頻叨寵賚感殊恩日邊霞出

堆文錦水際雲開降聖言被服難忘天府貴朝

叅頓使老臣温自慚躬遇垂裳主惟願祥刑頌

九閻

壽魏相國貞庵同年辛酉

丙戌題名四百也榜下看花盡走馬最老最少不數

人大抵三十二者屈指於今四十春滿頭霜雪筆

難寫甌卜綸扉四先生惟公一人在綠野綠野高風

真罕聞內修黃庭外爾雅濂溪愛蓮公愛書弄月吟

風自瀟灑頻年著作已等身閉戶一編手還把文富

登朝尙未歸司馬坐待耆英社我在金門羨老翁歲

歲兒孫進玉竿

贈歸孝儀修撰

曾因一面識端人實踐躬行事事真不愧榜中名第  
一公門收盡上林春

贈劉子端中翰

朝班新識面江左久知名儒雅追先正端凝見老成  
憐才心獨苦秉鑒眼偏明自足邀純嘏年年春酒盈

贈杜肇餘少司寇

同心同事白雲曹每坐公衙愧二毛贊助衰年惟正  
氣歸依大雅有詩豪借才還比司銓重公先任少宰種德何  
辭執法勞幾欲登堂申舊好難酬日日飲醇醪

哭畢方伯亮四同年

負耒躬耕百畝寬此身生死在雲巒誰從海內知班  
馬我向山中識范韓萬卷遺書皆手澤千秋佳話一  
清官重來應 詔傷遲暮不是中朝薦士難

輓王少叅近微同年

辛酉十一月

山城別緒尚依依十載身違道不違病骨全消恩縣  
貌 徵書徒掛墨莊扉固知觀化隨天數未得加餐  
待友歸哭罷高平還哭汝傷心不為故人稀  
畢亮四同年先公三

卒月

送馮再來少司寇迎母櫬歸台州

趨朝待漏每相從半載西曹對古松執法共瞻紅日  
近啣恩頓遠白雲封多承苦口開愚直細讀新詩  
見協恭九折峰頭回首望班行惟剩一衰慵

平滇捷至志喜

辛酉十一月十四日

昆明萬里捷飛傳宵旰殷憂已八年赫赫王師遵  
廟畧巍巍聖德格皇天輸將乍歇思休養疆  
域重開望保全率土謳歌臣有頌久安長治道無偏

送錫伯長兄歸里

壬戌二月

霜鬢垂垂老弟兄重勞策蹇入春明田園無恙心何  
憾手足多殘淚欲傾浹月都中看景物何年洛下會

耆英歸家步履須珍重歲歲平安慰我情

贈李葆甫

家世清溪產大豪才名直並海雲高晴窗有月窺書  
帙野樹無枝掛戰袍龍性難馴知我貴鶴情自遠任  
人褒閩山應問蘿山老點綴朝班愧二毛

送汪舟次翰林冊封琉球

風教遙通萬國深小邦恭順感宸心定知天子  
懷柔切北望星辰聽玉音

又

大海樓船一葉孤水光雲影盡皇途經過島嶼題



詩處勒作 天朝問俗圖

書高澹人侍講冊後

肝腸如雪氣如春出入雍容侍從臣自是文章逢  
聖主禁中惟有讀書人

又

十年一晤可亭旁砥礪何曾覲面商自愧衰庸多悞  
國相期努力佐陶唐

贈虞虞山通叅

蒼松翠柏古無倫我讓先生十八春金殿 賜書旌  
老學太倉支米養閒身從知鐵畫銀鈎妙不信霜眉

雪鬢真出入班行看北斗熙朝人瑞有三人

時寶抵杜公以病辭

馳驛遣官護送去年七十二益都馮公以老辭馳驛遣官護送去年七十四虞公先以原品致仕支俸在京今生女年八十四將乞回滇

寄送許子位辭官歸里

當年嘉定今聞喜共是循良傳裏人名世文章天下  
望救時經術宰官身天留國士肩吾道我為 皇家  
惜老臣兩袖清風歸去矣平生祇剩一清貧

送張敦復學士請假葬親

崇儒重道太平年宣室常邀雨露偏 帝鑒久知人  
似玉都人共信品如僊恭承錫類昭純孝近侍 彤  
墀屬象賢前席暫虛應有待莫煩 聖念到龍眠

懷汪鈍庵編修

應召身猶健歸田志已堅時清容閉戶道大在編年  
松菊雙蓬鬢乾坤一釣船名山千載事歲月正悠然  
康熙二十一年奉

命巡察直隸等處地方恭謁

世祖山陵

稜恩一慟鑒臣心長別橋山慟益深

康熙二十年二月隨駕謁陵慟哭長別自傷

衰老有老臣將去填溝壑何日重來拜翠微之句雪鬢自知成識語樗材那計捧

綸音重過蘭峪山峰迥不似紅門萬騎臨

前過紅門扈騎屯擁不能入後

飛馳始到

先帝貽謀今日盛低頭追念倚松陰

展謁畢三臣共坐松下感當日功勳及山陵

佳勝

巡行過北平登孤竹堂望夷齊廟有感

孤竹何崔巍兩裔高千古仰止夢魂間有懷常欲吐  
安得陟山顛辦香頭一俯告我希聖心難濟蒼生苦  
凜凜對簡書汗下渾如雨此行負朝廷愆尤何日  
補遙望乞神靈相助驅豺虎灤水自無波澄清在  
畿輔

巡行至山海關擬登澄海樓觀海未果

東海具大觀觀者眼界廓平生未見之汪洋那敢度

天子命巡行首在恤民瘼駐馬問雄關民貧俗不薄  
長塹護金湯北門慎鎖鑰 帝王以德興設險猶如  
昨南有百尺樓欲登步先却登高非吾願臨深豈所  
樂古署獨徘徊目無風濤惡四海况澄清自潮還自  
落拜手贊 皇輿愧我咨詢畧

巡行出居庸關望蔚有感

雄關一入傍金門十載何曾問故園郭外屏山還掩  
映城邊壺水可潺湲親朋漸老垂霜鬢手足多殘泣  
夜魂欲藉皇華過祖墓敢因私事褻王言

巡行駐宣鎮書院讀梁眉居秦聖俞兩夫子遺

詩今俱作古人矣愴然感賦

當年文戰此闡中桃李栽培荷兩公駑質敢言空冀

北余大小試謬叨  
兩夫子首拔

鳳鳴却幸附河東再瞻題句心增感回

想師門道不窮五十餘年承

簡命重來故里一觀風

巡行駐保定拜謁楊椒山先生祠

不與先生出處同此心切切仰高風生來直氣天難  
折謫後良辰命不逢兩疏萬言真大罪千秋一日是  
孤忠

先皇表出余應拜駐馬低頭入廟中

過慶都縣拜謁堯廟

立極開天萬古思 皇都咫尺見伊祁傳心遠肇神

孫曆享帝先追聖母祠堯母廟在縣內漠漠荒階存舊土森森

古柏長奇枝階下兩柏參天左一本三幹右一本五幹土人題曰三皇一本五帝同根歲時香火多

耆舊可是康衢擊壤遺

過新樂縣次壁間韵

新樂為名苦更偏孤城落日幾炊烟關山彌望春風

掩車馬時通古戍連一路問農無雪信前宵聞雁過

雲邊 朝廷自有憂民詔莫慮今年似去年壬戌歲邑以雹災邊

蠲免自冬迄春復無雪民有憂色

捉虱行

大造茫茫渾一理號物之數紛難紀山有虎豹海有

蛟害不及身何足齒胡為四肢百骸間日日切膚生

虱蟣夜來纔睡睡忽醒白日亂啣痒到髓有時公堂

手自捫擲之地上猶不死我欲大索淨根株呼僮代

我我心喜一翻一覆作意尋尋來尋去徒爾爾小者

弋護大者驚少留一縫潛藏裏從來狡兔有三窟搜

羅又恐傷衣被自悔吾家針線疎更緣積垢離清水

或云捉者非其人坐令此輩長孫子於今莫怪常處

禪大蠹難除類如此

過真定觀大佛

吾儒在德不在像大人一體那可量計身不過七尺  
長三才都在三肩上如何佛氏太莊嚴一火鑄成七  
八丈從來芥子藏須彌我大物小反增障昔日耳聞  
目未經同來古寺聊相望人傳建造自隋唐金身直  
立言非妄看罷方啜老僧茶西廊又看轉輪藏目不  
及瞬轉已週腐人頓覺心神曠古今晝夜及死生大  
抵皆如輪子樣此意問僧僧不知但云經卷此中放  
大笑一聲騎馬歸題詩恐惹禪和謗

過趙州柏林寺觀吳道子畫水

幾筆神光閱世多忽疑滄海又疑河蓮舟一葉何人  
渡壁上空留萬頃波

巡行過順德父老遮道陳疾苦占以示之

烽火連年事遠征輪蹄絡繹此中行於今 廟算銷  
兵後女織男耕自太平

二

頻年災沴不成秋土薄沙深滿地愁最是 聖朝多  
軫恤一天雨雪下邢州

擬過邯鄲訪盧生未果戲筆

人生如夢幾時醒惟有盧生做得成我欲夢中還說

夢不知何處訪盧生

二

邯鄲無夢亦無醒大抵都因飯未成也羨黃梁分一  
箸却疑火短米還生

三

何妨眼睡念頭醒百念難成一念成就裏豈無消息  
在誰來說與老書生

四

一枕羲皇睡不醒更無婚宦夢中成神交百里真知  
已明夜煩勞訪魏生

巡行至大名事竣將回保定

纔過滹沱又渡漳天雄南望水茫茫山連伍岫初添  
黛柳近淇園畧犯黃市井豺狼多斂戢閭閻日月頗  
舒長歸途惟願沾春雨好寫民風報聖皇

康熙癸亥仲春巡行回保郡復馳慶都

行在恭迎

聖駕是日仰承

溫諭兼

賜兔隻紀

恩一律

簡命同膺歲已移歸途先報 聖明知鋤奸城社秋  
霜肅問俗郊圻化日曦碌碌因人真自愧平平竣事  
本無奇何當 天語褒嘉重况復 恩承且兔詩

與王蓋臣談風鑑

爛熟義文一部經眼中隨地識真形從來妙理無人  
說每見襄陵細細聽

與李丹麓西曹

聲名久著大河濱知是循良傳裏人閱歷兩曹書上  
考相期努力作名臣

寄懷張豈文年家

聞道陳山有大豪當年意氣比雲高於今認得身心  
事撒手游行總不勞

送張耳黃孝廉歸省

道心全與世情疎月照藤窗一卷書歸去好酬真菽  
水北帆遙望菊花初時館  
余寓

八月朔日容園觀剝棗

梧桐暑盡冷瀟瀟半畝亭陰散早朝客緒何妨詩侶  
勝名根欲向酒徒消南天問雁雙飛斷北地彈冠指  
顧招短髮頽頽羞素友空憐火棗夢中搖

聞郝雪海中丞遺疏至傷之

用南征百  
律蔚州韵

名入榆關是壯年早朝騎馬手垂鞭玦環都頌天王  
聖鼎鑊方成御史賢磊落文章時最忌崢嶸氣骨我  
相憐冰霜絕塞曾無恙生死茫茫桂嶺天

康熙二十二年九月初四日蒙

上召至乾清門

垂問病狀並所服藥餌奏畢隨

賜人參膏一瓶人參二斤臣象樞自媿衰庸何當  
曠典感而欲泣恭賦紀

恩

老邁何堪肺病攻九重如日鑒臣衷承將天語

歸元氣賜得神苗出大東五色雲生黃袱裏一團  
春在錦囊中隆恩千載真難報慎保餘年附亮工

二月朔日病中示誠兒時在蔚塋上媳

乾清門下肅天威頃刻昏迷萬事非豈忍哀鳴辭  
聖主病臣只合乞骸歸

余請告疏  
上四日

二

傷心西去淚如何汝到關門我病疴甚矣吾衰身未  
死此番省汝淚多多

三

訪得長安三四醫都來診視有同辭勞勞費盡心中



血參朮歸苓次第施

四

曾買新墳地幾弓好將結穴問王翁

王蓋臣也

雙肩一擔

何時放放下肩來到此中

五

營壑兼因省墓來松楸幾樹拂雲栽吾家真與無家  
等惟有祠堂盥手開

六

報國無能敢問家蕭蕭兩鬢客京華親知也有  
頭先白似我衰年病復加

七

太倉老米白蔬盤兩碗能消一日餐計汝蚤歸應慰  
我晨昏待汝問平安

送崔玉堦宮詹歸里

歸路輕搖一棹春行年五十作閒身晨昏問罷高堂  
上依舊攤書閉戶人

壽孔母陶太夫人

千秋慈孝聖人家嗣續开官女德遐公輔稱觴師內  
則不知今日有繁華

書謝氏表烈集後

康熙十五年耿逆叛邵武兵變生員謝光惠母蔣氏妻楊氏同赴池水死

一女事一夫萬國戴一主大義不能忘亂賊安敢侮  
謝家姑與媳指水矢千古我欲渡樵川池邊爲撮土  
拜此巾幗人羞與偷生伍

輓于北溟總制

簡命深叨 聖主知臣心精白總無私清風亮節高  
千古吏治民生濟一時寢食能忘 宸翰重死生難  
報 賜金慈巖疆賴有斯人在何事驚傳箕尾騎

二

生與同庚性不殊居然三晉兩迂儒憐君盤錯身應  
瘁顧我膏肓病未蘇南望江河誰復挽北瞻雲日總  
難呼當年薦草曾聞否歷盡平生一語無

輓直撫格公

澄清畿輔愧庸才曾共先生攬轡回古道居然追往  
轍冰心真可絕纖埃堂前有母頭仍黑膝下無兒墓  
已開雙泪不禁還過慮朝中誰繼此人來

輓宋開之少保

一官到處是芳蹤律已清嚴奉職恭久矣銓曹無愧  
色近來司寇有憂容貧居京國忘三徑老死家鄉戀  
九重獨坐若留公在世剛方復見海剛峰

琉璃廠見白鸚鵡有感

生不同凡鳥羽毛亦自竒  
冰壺曾照影玉樹必臨枝  
豈為能言出何妨衆眼窺  
秋雲高漠漠是爾入林期  
別祖以牧親丈

孝友門庭善氣多書聲鶴唳總天和  
關心道義終難  
憇風雨殷殷在蔚蘿

八月十七日啓事

乾清門重蒙

天語垂問病狀紀

恩

用壬子閏七月初七日引見原韻

力疾趨朝傍玉閣諸曹啓事正  
臨軒瞻依共識

天顏喜

駕方避暑回鑾

慰問親承

聖語溫橋外穿雲衣帶潤

樓頭望日面迎暎

晨起大雨每復晴

心肝如舊身空老已愧今

生報

主恩

是日草疏再請告辭

送馮楚瞻醫者歸里壽母

慈懷藹藹夢依依喜見兒郎拜職歸  
此日孀幃歌大壽濟人千萬報春暉

送湯荆峴學士巡撫下江

秀才任天下仁者體萬物物逸而我勞  
分內不遑恤昔日侍講筵天子重經術  
今日守封疆帝心特簡出江南風甚囂  
江南民甚絀維風道先倡愛民蠹

先黜吾性秉真剛無欲誰能屈但得百姓歡安問權  
要佛余也愧衰殘十弊口難述臨岐贈一言懷抱慎  
憂鬱

九月二十二日

陛辭蒙

諭入朝三次是日

賜大內湯飯

召起登朝後鵷班十二年每思心向日難報 德如  
天請急絲綸渥瀕行雨露偏尚方傳 賜食敢擬大  
烹賢

二十四日再入

陛辭蒙

賜茶

知遇三生幸年華二豎侵頻來瞻 殿陛歸去卧山  
林乘傳 恩光異 臨軒存問深天漿斟玉盃滴滴  
入臣心

二十六日三入

陛辭蒙

賜御筆特書寒松堂扁額

聖製古北口詩復

召入內殿垂問病狀

賜坐

賜茶

戀戀瞻依切殷殷錫賚重  
天章題右塞御墨灑  
寒松捧出羣工羨懸來不世逢  
宸顏雖日遠伏臘  
對山龍

十月二日出都承諸公郊餞

去國心難恻徘徊馬首遲真逢  
宵旰主况際太平  
時老病天應鑒行藏世不疑  
二疏千載盛薄劣又  
重追

十日過東庄晤妻兄李恒嶽先生

已入壺川地先過長者門  
扶人應再拜愛我總忘言  
鬚白顏如舊山青德自存  
草堂容二老相對說  
皇恩

十二日抵蔚

是日微雪忽晴

此是吾家矣兒孫報我回堂邊  
紅日照谷口白雲開  
老輩親朋少餘生藥石培漫言  
身勇退原自愧駑駘

十七日恭懸

御筆

里巷都瞻仰歡然起頌聲從知  
天子聖益覺老臣

榮寶篆垂家範山堂受令名史官曾載筆一日記平

生

起君注詳  
紀巔末

二十日焚黃祭告先祠

歷官三十載

綸命已重申祖德原無愧

君恩又

一新薦揚勞宰執義氣感高親今日依先壠纔完魏

氏人

寒松堂全集詩卷七



